



耐冷譚卷十

仁和宋咸熙清名謨

青田夏呈圖洛泉定

王柳村居丹徒之翠屏洲。洲之上多桃花竹樹。柳村吟嘯其間。視榮利如敝屣。所與往還者。詞客梵僧。故其詩得江山清氣。王西莊光祿嘗言。徐雪廬爲奇才。吾家柳村爲清才。清之一字。洵非柳村不能當之。柳村小予一兩歲。會約爲弟昆。實執友也。所著種竹軒詩。海內早奉爲圭臬。今

耐冷譚卷十

錄其宮氏雙孝娥一篇云。吾聞木蘭之孝。代父能從軍。又聞緹縈之孝。上書能雪冤。此皆血性所感發。間氣往往留坤元。宮家雙孝娥。淑靜而恭溫。隨父宦八寨。讀書識字稱名媛。一日蠶苗作不靖。父勤厥職。殞厥身。孝娥相向泣。繼血呼天。幾欲以身殉。踰年厥母亦病卒。哀毀骨立。殊難存。兄嫂晝夜提防密。孝娥宛轉志不伸。阿姊顧妹言。爹死孃死。我幸生母。乃辜此罔極恩。阿妹顧姊言。爹死孃死。姊死我獨生母。乃苟活乖

人倫一鏡。熒熒氣慘淡。哀極發聲。聲轉吞密箚。月黑天爲昏。哀猿嘯雨愁。雲屯鬼神夜。泣靈旗。翻是時。兄嫂意稍懈。雙娥迸繫朱絲繩。黔人聞之。淚交墮。椒漿有客爲招魂。大官鑿金遣吏祭。四匱并得歸鄉園。父爲忠臣女孝女。天地正氣鍾一門。吁嗟乎。視死如歸。孝且烈。草間乞活何如人。

海昌柏珩林

樹琪

讀書外紛華無所驚。以其餘力

吟詩作畫。摹印訪碑。搜羅旣富。拓室儲之。顏曰

耐冷譚卷十

二

四癖齋予旣賦詩復爲之記。夫藝以專而始精。物以好而方聚。古來高人名士。莫不有癖。珩林獨具此四癖。亦當世所希覯也。詩曰。我愛珩林子。端居疑是仙。平生澹榮利。老屋喜幽偏。香泛看花酒。寒添坐客氈。琳琅紛滿眼。藉此送流年。開厨檢名蹟。絹素與丹青。鸞鳳各翔翥。雲煙都秀靈。出遊盈野艇。臥看列圍屏。笑彼文章宿。辛勤老一經。况復如歐九。精搜金玉符。參八體鐵筆。補三墳策。蹇尋碑。遠篝鐙。校印勤。

怡情從所好。往往過斜曛。

精舍數椽足。顏書

四癖齋。開軒名士集。談藝賞心諧。遙溯人千古。
相思水一涯。何時成洽比。風雨與之偕。

玗林詩體。正品潔如其爲人。落葉云。蕭蕭木葉下。

荒村。失却疎林一抹痕。捲幔送青山。入室開簾。

飛白。月當門。帶回夕照來。樵子挑盡殘鐙。斷客

魂。記得綠陰曾託庇。那堪舊事細重論。四癖齋

卽事云。開榻披絹素。欣賞愛三餘。下榻留騷士。

焚芸辟蠹魚。茶煙驚鶴避。竹影補窗虛。春暖尋

耐冷譚卷十

三

幽興栽梅帶月鋤。月夜泛舟云。扁舟安穩似漁

家。清飲狂歌日易斜。何物更添詞客興。半船明

月照蘆花。秋江卽景云。披蓑帶笠伴江鷗。垂釣

煙波古渡頭。兩岸蘆花飛不住。一篷涼雨送輕

舟。

玗林有筭

潤之

號少梅。亦能詩。寒山寺鐘聲云。百

八鐘聲百尺樓。霜風送響到溪頭。忽驚夜半詩

人夢。知在楓橋第幾舟。古寺云。策杖訪叢林。曲

折入幽徑。日暮掩禪關。靜聽一聲磬。俱有遠神

馬古芸舍人

錦

居海昌之小桐溪爲吾友少仙學

博弟子王詩善畫馬氏多豪于財古芸獨喜與
名流結納所有碧蘿吟館唱和詩詞已三刻矣
其題謝孝子傳後云孝子生無顯名孝子死有
信史孝子者誰謝歷山呼天搶地嘗諸艱母溺
水兒在岸兒急奔救心膽亂奮身投入洪濤中
負母出水兒之功父病逆旅兒往迎之有祖在
堂兒泣告之惡鬼擲榆不得施靈神左右相護
持道匆匆眈眈猛虎飢徒手而搏如伏雌祝融肆

耐冷譚卷十

四

虐父驚失色援父出火是兒之力孝子孺慕六
十年自始至終無哀馬生難隆其養死乃表厥
阡君不見煌煌綽楔榮考妣俎豆春秋報禋祀
嗚呼謝孝子孝子禾中人也

古芸子少谷

鴻寶

韻秋

鴻寶

年俱未冠亦解絃詩

少谷痛飲句云量盡何妨推已醉狂來不覺又
頻斟苦吟後半首云頻搔鬢能初成句笑撚鬚
殘已入魔今日詞壇推老手誰知身被墨消磨
酣睡云一枕遊仙宜入夢幾聲嘖語莫能參韻

秋痛飲云日影欹斜人兀兀簷花亂落夜沉沉
甕邊那怕來朝捉且讀離騷代嘯吟苦吟云思
如春繭抽還盡音似秋蠅聽不訛酣睡云身隨
蝶影渾俱化夢到梅花覺太憨又結云正須石
鼎聯新句驚起彌明掃一龕一時同作之執友
俱服其能

陳補筌

詩

爲吾郡書巢學博之兄氣靜神怡笑言
不苟非深於學者不能然謙挹殊甚未嘗以學

人自居也君生于丙戌正月十六長予十日而

耐冷譚卷十

五

腰脚甚健非予所及其六十志感詩云盛年歲
月任飛馳六十臨頭感可知衰耳失聰難望順
浮生若夢敢稱耆多情畢竟因情累解事終憐
見事遲分付兒曹勤惜日不須謀進酒盈巵

生逢耗磨合長貧

自注俗以正月十六爲耗磨日

世味何如道

味真閒展一編當晤語靜觀萬物足娛神雄心
造滅思皈依舊學難忘少替人差喜弟昆都健
在鬢絲相對說艱辛

海鹽張徵君文

燕昌

至性過人早失怙恃賦思親

九章沈文懋歎爲蓼莪詩後一人既改葬于祿里山麓築丙舍數椽石門方蘭坻爲繪墓廬圖朱文正題詩云君家羊山陽規歸祿里麓蒿松手灌培菟裘早卜築讀書夜未央風雨助孺哭夢魂不出阡舉奠近饋鷺小別無遠游牽蘿卽空谷結廬意云何終老念鞠育東南葬事迂在堂已易服儼然或久殯四方忘稅轂卜藏豈不愼明發宜嚮蹙斯人良獨厚旣葬猶躑躅我欲揭君圖敬爲天下告

耐冷譚卷十

六

徵君慕鄉先哲張方洲朱西村鄭淡泉胡赤城諸先生學行心向往之歲朝必往拜其遺像方洲像不傳拜於墓下生紫芝焉一時詩人賦黃門墓上芝草歌陸太冲

以謙

和仲

以誠

並稱擅場

云

徵君好篆籀之學所著金石契一時紙貴近聞北方已有翻刻本然其圖之精妙非徵君不能摹也嘗於太學手拓石鼓歸又渡重江訪甬上天一閣藏書得觀北宋拓石鼓文舊藏松雪齋者

朱塗纍纍如吳興。峴山玉齋諸印。手摹入石。築
亭貯之。錢竹汀少詹爲撰記。翁覃溪學士賦石
鼓篇。錢少宗伯題梁曰。貢于國庠。張氏燕昌手
拓石鼓。大成門笏。持歸海鹽。攷校模刻。作亭覆
之。書堂之側。同郡錢載爲題。其梁乾隆甲辰冬
月維陽見籀石齋詩集。

徵君嘗攜其子

開福

字哲民約胡石牕弔明高士

朱西村墓詩云。賢達終歸一聚塵。西村異代仰
高人。居連杜曲夕陽古。路隔桃源流水春。瘦竹

耐冷譚卷十

七

經冬寒不改。長松入畫意難真。孫曾四野炊煙
裏。其潔溪毛禮薦新。哲民於辛巳歲重謁。有詩
云。先生高隱後。一墓布衣尊。我昔從藜杖。春風
弔古魂。白雲彌堊徑。流水淡孤村。歲歲蘋蘩薦
相依。有遠孫。石牕和云。抱藜寒食路。訪古愛幽
尋。一墓浮雲外。松梢生夕陰。斯人不可作。高節
感何深。子姓桑麻世。清風被遠林。西村居鹽邑
之西郊大曲里。自明嘉靖迄今二百年來。子孫
猶以耕讀爲業。古風世德。可想見也。

哲民能繼徵君之學。暉鏡披典。貧不累心。近詣益
適上。其寄端木廣文。若上并追懷太初。孫山人
云。一鶴下青田。來栖蒼雲間。掛瓢高上去。何處
白雲還。我欲尋仙骨。因君問舊山。相思寄流水。
日夕聽潺湲。溪村居有感云。五畝池塘五畝園。閒
身占得好柴門。秋花澹到人三徑。春酒熟時香
一村。荏苒愧將先業棄。拋殘賴有破書存。只緣
風樹逢搖落。滿院夕陽苔蘚痕。

徵君女鶴奴。賢而早世。方丈蘭坻賦賢媛篇。有序

耐冷譚卷十

八

曰。吾友張君芑堂。長女年十四。適吳興沈氏。姑
卒。翁衰病。家業漸落。辛勤紡紉。以助其夫。夫常
作負米游。獨能事翁盡禮。服食之供。無少缺。雖
病。猶強起侍奉。亦賢矣哉。沒後。戚鄰咸稱道之。
芑堂守道君子。宜其有女如此。余詩以美之。用
勉世之貧家婦云。清河有賢媛。至性早獨得。生
長儒素家。詩禮爛卓識。十四歸東陽。略不事粧
飾。良人家業貧。搽作及紡織。痛姑早辭世。翁衰
轉悽惻。夫也負米去。使婦侍親側。翁病兒又小。

料量頗費力。將寒宜衣裳。已夜欲飲食。事事未
雨謀。往往先意充。常懷不倦心。豈敢暫偷息。辛
勤有餘年。半生未瘳疾。今夏疾纏綿。欲起竟乏
術。畢生願孝養。垂死感罔極。返魂洵無香。悼歎
遍姻戚。我謂清河賢婦道。而子職詩以告。庶姬
當以爲表率。時嘉慶丁巳也。

作詩不可無家學。吳丈澹川之祖竹軒先生著竹
軒詩鈔。其尊人叔苒先生詩尤多超悟之作。值
儉歲哀鴻滿塗。先生卽目書感云。漂零雁戶滿。

耐冷譚卷十

九

郊村就食蒲羸不可論。歎惜畫圖無好手。西風
愁殺鄭監門。任爾朱門臭梁肉。一錢不舍待
如何。富兒飽飯門前看。但道今朝餓死多。我
亦年年乞食頻。羹殘炙冷最酸辛。呼兒鄭重將
杯箸。恐有嗟來却饋人。存心若此宜有賢子孫。
世爲聞人不獨詩之佳也。

石門勞亦宜明經

宗煥

家貧能孝於其親。以拔萃

科入試。未能入選。寓京師之宣南坊。以詩寄懷
竺仙上人兼柬少峯小癡兩先生云。隔林一聲

鐘

旅舍鄰觀音庵

鄉心蹶然起。如入清淨堂。拈花相笑

語。燈明七寶光。鉢貯八功水。瓔珞想莊嚴。花木

看迤邐。時作合眼觀。瞬息必千里。我本凡庸子。

幾生修到此。明月照窗來。遽遽一夢耳。半載

客長安。紅塵殊擾擾。一落鈍根中。見幾苦不早。

徧踏逆風船。中心怒如擣。問心夫如何。何時念高

堂。老飛住無定蹤。嗟哉傷弓鳥。飲啄兩茫茫。安

得謀梁稻。秋風滿庭階。落葉愁誰掃。何時捧喝

聲。破除諸煩惱。語水清且漣。折入玉溪曲。中

耐冷譚卷十

十

有兩高人讀書溪上屋。潑墨記施讐。吟詩偕茂

叔。著作良等身。雲霞况滿目。一權煙波間。往來

不嫌數。擺脫世俗心。消受清閒福。同結歲寒盟。

冬心耐松竹。一別走京華。博得愁盈斛。涼風

颯然來。秋聲滿庭院。月靜夜聽虛。舉杯恒獨勸。

遙憶病維摩。詩筆撐腸健。刻句類湯休。聯吟識

惠遠。嗟我隔三秋。握手何時見。雲樹千萬重。那

得鱗鴻便。草草附吟牋。寄向空王獻。可惜遠遊

人。塵容今滿面。詞旨悱惻。而絕無憤激之言。殆

劉舍人所謂溫柔在誦。最附深衷者。吾愛其才。吾悲其遇矣。

柞溪沈組雲司馬錦。一生厚德。凡濟人利物之事。

往往傾橐爲之。其教子一以存心仁厚爲本。長

子曉滄炳垣。季子胎簪淮。一由孝廉。一由拔萃。

科同時膺。異命俾知縣事。孫寶禾。卽於是歲

爲諸生。報施故不爽也。曉滄務爲有用之學。於

詩尤精。氣體清華。詞旨和厚在。本朝作家已

可接武新城矣。行路難二首云。游魚不知水寒。

耐冷譚卷十

十一

食梅不知齒。酸壯士出門。不知行路難。行路難

難若斯。問君行將何之。前有毒虵猛虎。後有荒

魑大魅。舉足偶不慎。爾身爲菹豔。嗚呼行路之

難難若此。嗟爾行人。行不止。華堂躍踰芳筵

張美人妙舞。搖明璫。爲君殷勤。前上壽。願君快

飲千萬觴。今夕杯在口。明日雨覆手。深恩卵翼

尙不報。何況區區一尊酒。君不見太行山峻坂。

九折崔巍間。一步一顧凋朱顏。太行之險險猶

可入心之險。愁殺我宿王家營。厲館寄懷孫樸

齋云日。落大河寒。蒼萍集白端。一尊詩錄別。五
夜。劍同看壯志。悲塵枉長途。逼歲殘。因風寄芳
訊。兩字是平安。東阿道中作。云礪關重着祖生。
鞭懷古思。今倍悵然千里輪。蹠銷逆旅一時風。
雪逼殘年英雄老。去借雖逝真。豆吟成泣釜煎。
只有魚山清梵好。夜深靜聽息諸緣。

胎簪出予門下。讀書外無他好也。嘗購得飛鴻堂
印章千餘方。汰其偽者。作求是齋印譜。吾師吳
荷屋方伯極賞之。詩亦堪與乃兄匹。過味三昧

耐冷譚卷十

十一

齋呈僕云。東風吹庭樹。花落紅未掃。美人隔一
方。離思時縈繞。瑟居寡所懽。爰泛桐溪櫂。舟艤
泮水側。三昧齋頭造。握手各欣然。坐久樂言笑。
勗以實學敦。戒以虛名釣。愛人俱勉德。豈敢輕
心掉。公也樂天真。雅懷抱孤峭。終日手一編。日
猶秋月照。示我惜陰記。四部窮奧窔。纂言鈎其

元。記事提其要。以此果儉腹。不藥而病瘳。繼讀
思茗集。萬丈發光耀。淵源出風雅。根柢本忠孝。
浮辭痛掃除。真氣運排鼻。洪響鐘鏗鯨。淺見管

窺豹良由家學深。亦實功夫到承明。著作才宜
乎登廊廟。胡爲命途舛。春明竟瑁璫。秉鐸來吾
鄉。冷官樂偃傲。以友爲性命。與俗遠嗜好。揮金
士。屢恤割俸書。頻校花月宴。會開恢諧雜。吟嘯
士。習日以淳相。勉範名教。小子慚魯鈍。匠門許
蹉跎。日落憺忘歸。老樹幽禽噪。珍重臨別言。津
梁此先導。冬夜柬少峯丈云。風雪逼孤檠。梅花
一樹橫。懷人愁儉歲。望遠動離情。慨慷黃金盡。
蕭條白髮生。殘年如過我。那惜酒頻傾。香竺舅

耐冷譚卷十

七

氏自粵東回里云。遙從粵海數歸程。景物秋來
畫不成。幾載羊城留宦跡。早年鴛水擅詩名。江
天日落鴻無影。驛路風高葉有聲。料得攀轅諸
父老。廉泉酌餞比官清。扁舟一櫂語溪邊。梅
蕊初香月未圓。酒絲同斟千日好。乘黃憶別五
年前。張融風格慚非對。阿士文章敢擬賢。官況
雖貧詩卷富。吟朋招集樂歸田。

沈博堂

溥恩

曉滄從弟也。賦性淡默。雅有逸情。宅

西向。有小園。築室數楹。襍蒔花木。署曰綠雲深。

處讀書暇。恒嘯咏其中。春秋佳日。復邀同志。作詩社。喜臨池。于趙松雪書尤酷嗜。嗣以攻苦得咯血症。年未及冠而逝。深惋惜之。平日作詩。隨手散棄。塵從詩社中錄存一二。秋夜云。夜靜月三更。愁多夢未成。涼風催寄遠。高閣感離情。街幃聽何急。銀蟾看更明。披衣寒漸逼。四壁有蛩鳴。野步云前村已過。兩三家。偶入深林景更嘉。淺水礙舟橋作渡。遠山如畫樹爲叉。翠煙繞徑疑無路。紅葉盈枝勝着花。到處不知神已倦。

耐冷譚卷十

七

遨遊情致興猶賒。

朱虹舫閣學詩才富麗雅近梅村。前年聚首時。惜未索其全稿讀之。至今猶怏怏也。其在金閨書院與卞太守雅堂譚及嶺西風土成詩二律。書以寄予。尙能記憶。因錄之。云。歸颿初轉海天東。爲語炎荒景不同。竹迳鷓鴣啼暮雨。花隄蟋蟀語春風。環城雲影恍椰綠。橫澗煙痕薜荔紅。會記滇南關外路。尙傳銅柱伏波功。人家多半傍巖居。蠻語啁啾少象胥。僮女辰山春織錦。伶

童丙穴。曉。譽。魚。詩。題。紅。豆。誰。貽。客。飯。裹。青。荷。其
趁。墟。跳。月。聲。聲。歌。不。絕。檳。榔。餉。後。定。情。初。

沈向齋明府

可培

吾友竹岑廣文之尊人講求經

史之學。著書極多。詩有依竹山房集。以名進士

出爲縣令。惠問川流。寶坻芮

熊占

明經。作新樂

府八章。錄其三云。墓田人憫賤業也。四民皆可

爲墓田業。最下。傀儡曰登場。亦云謀生也。縣官

坐堂。阜四面屏風。張欲悅兩眼。列粉黛。欲媚兩

耳。調笙簧。而况部下之梨園。珠粟拘束。不費錢

耐冷譚卷十

去

酒如川兮。飯如土。何難。日日恣歌舞。公曰。此等

人。亦是吾子民。父兄不教。固可恨。衣食是急。亦

可憐。家喻戶曉。責改業。終公之任。不演劇。本無

後堂。宴門生。詎怕長筵惱。貴客聞說。下令初感

泣聲。于喁。諧。顛之口。誦詩書。按拍之手。把犁鋤

貼槽馬。除中飽也。訟庭對峙。穹碑二云。頌賢

侯勞撫字。手捫口讀。爲終篇。額署貼槽。微實事

吏胥。慣舞文。官信吏兮。耳不聞。百姓怨利孔。吏

挾官兮。貲自擁。所以古循良。察吏防蔽壅。泉州

本非四達衢有馬足以供馳驅何爲巧立此名
色貼槽二字真胡盧肥馬來瘦馬去活馬來死

馬去料與馬來圍人歡馬去無錢闖人怒還馬時復

徵其錢曰墊料以此厲民民何訴公力除之立案據幕

客謂讓公不顧去其害馬非謬誤齧草斜陽全

其趣殺馬張抑營兵也將軍西出臨洮關逆

回授首唱刀鏢沿途約束戲下卒申明紀律嚴

如山有營兵姓張氏跋扈氣傲無餘子好勾馬

血當酒漿因之人呼殺馬張殺馬張經村坊門

耐冷譚卷十

六

卒竄匿遠人颺公怒夜半入虎帳求見將軍陳

其狀將軍手取金僕姑以貫其耳血模糊此亦

如取笠折箸焉逃誅自是後軍痛草而相戒莫

惱沈知縣君不見雞爪泉上車麟麟女不罷績

男不輟耘兵過如不聞竹岑勤學植品克敦內

行明府病廢泣禱于神願減算延親壽孫魯傳

亦有聲於庠家貧如故而竹林里之老屋中書

聲硠硠孰謂廉吏不可爲哉

錢塘沈遵生學善老友竹亭明經之長子竹亭以

書名於時。遵生能繼其學。兼擅鼓琴。家甚貧而性耿介。雖負米養親。與人交不肯翁翁執。故所如亦不甚合。蓋直道之難行也。詩不多作。然有時卽景言情。亦不屑拾人牙後慧。其爲予題集云。一卷新詩出錦囊。百回飽誦齒牙香。望雲心緒如茶苦。逝水年華思茗長。才擅青蓮多逸興。家傳紅杏趁春陽。集中卅首論詩句。壓倒遺山何論王。榻來鼓枻秀州行。省識先生不世情。拄腹書誇秦博士。降心從有魯諸生。集因官冷他桃李向春榮。

耐冷譚卷十

七

編成易人爲才多到處迎。我愧門牆空仰止。羨長白鍾仰山閣學。昌伊耐圍方伯之次子。今蓮龕方伯之弟也。方伯守嘉興時。閣學甫十餘齡。已爛吟咏。後聞澹川吳丈及先府君緒論。頓超上乘。曾以書寄先府君曰。耳先生大名早知。先生爲今日之李太白孟襄陽也。每以碌碌塵凡無緣晉謁。昨同澹川大兄來歎山高得遂。飢渴下懷。曷勝傲倖。歸來雜誦大藁。雖未能窺測。

高深而一種清超出塵之致。每竟一篇輒似有無數駕鶴仙人冉冉從紙間飛去云云。二三十年來雲泥分隔未敢馳書瀆冒。近閱齋宿聯吟草見有漁鏡一咏氣體格律已得唐賢三昧。亟錄之云。江頭秋老荻蕭蕭。照水漁燈映徹宵。半幅輕帆隨落月。一星幽火射寒潮。光沉蟹斲霜痕重。影漏烏篷冷燄搖。記得吳門鐘動後。斜風細雨泊楓橋。

海鹽俞丙齋

致政

諸生工書學。天資敏妙不事臨撫。

耐冷譚卷十

六

而能得石田翁之神。顧澹於名利不肯多作。同有藏弃之者。珍如球璧詩旨趣深遠。所存亦艱。其題陳南叔永和九年磚云。典午殘磚紀永和。陶泓新製藉摩挲。印泥雖異蘭亭體。也許山陰好換鵝。子月川 印萬 以古學受知于督學劉金門。有題半邏道中句云。蓼花雙鷺冷秋水。一帆明又雨夜舟中句云。鐘聲煙際寺燈影水邊樓。惜不永其年而卒。月川弟 印六 字蘇卿亦喜吟

詠。

五七言古今體。自新城主張王孟浣花幾于從祀。惟施愚山少參獨存俎豆。百餘年來卒無有宗法之者。蓋學王孟詩得其皮面便可勝人。學杜不成易啟龐疎平鈍之弊。此亦新城之善於藏拙而吾謂愚山之高於漁洋者此也。

立言與立德立功並重。詩亦立言之一也。昔人謂詩不苟作。斯集不虛傳。蓋詩與史相表裏。一集之中必須有可興可法之作。與人心風俗有關。凡山林隱逸之士。村農賢孝之人。草野節烈之女。史所不及載者。藉詩以表之。吾言不朽其人亦不朽。若曲寫閨情。是自忘其醜而故飲之以誘人也。其摹擬風雲月露。以爲陶冶性靈。是轉汨其性靈者也。烏足謂之立言。

耐冷譚卷十

九

傅翁三台者。錢唐人。子元英。孫與霖。皆諸生。元英娶于莊。夫病。莊爲刲股。旣沒。矢柏舟志。順治乙酉夏。大兵入武林。城中人四竄。與霖奉祖父及母。莊婦陳暨妻弟婦錢。出城避難。無何騎鷹至。家人競匿林樾中。莊及錢氏獨走江。三台翁芒

芒無所向。或謂曰。毋江母林。前走則免。語畢。失
其人。翁異之。投古神祠中。遂不及于難。陳念翁
飢。乞得飯一盂。促與霖跡翁。已乃攜小蒼頭望
林奔。奔稍後。一騎猝至。艷其色。迫之。陳知不免。
罵之厲。被槍死。騎沿江者。及莊錢矣。莊一躍入
江。錢手抱兒。繼之。衝流不知所之。與霖求母不
獲。痛絕而甦。三台翁慰之。令尋婦屍。得之梅家
屋側。方溽暑。顏色如生。尙勃勃作嘔。罵狀與霖
痛。母遭變。終身茹蔬。編衣。并没齒不娶。正室鹿

耐冷譚卷十

二十

緣馮一經賦滿江紅詞云。姑死大江。方悲痛。遺
骸未覓。又豈料膝前兒婦。復罹鋒鏑。壠上猿嘯
悽欲斷。陰房鬼火明還滅。羨當時。激烈有同心。
真難得。歎閻範難如昔。歎節義輕於翼。賴英
雄女子心堅。鐵石萬古香。餘紅粉骨千年血。化
黃泉碧。看將來華表。雙雙空山側夫。國當

新造。節烈多湮。此三人者。恐亦未必垂之青史
矣。幸賴施少峯有抄存。傳門雙烈傳。及題咏詩
詞。已糜爛不可讀矣。亟表揚之。

亡友俞蓮石

寶華

爲通儒潛山丈之子。負米養親

年年奔走。性慙。意所不合。輒於醉後作灌。夫人亦多擠之。而下石焉。庚午秋闈。十三藝俱作四。六卷出。吾師德立齋先生之房。奇其才。力薦之。主司以其違式。抑置副車。正欲就職。而遽登鬼錄。潛山丈年已九十。尙健在也。所刻紅萼微閣詩畧。詩雖不多。亦足見其磊落豪宕之才。鬱塞不平之概矣。版渚磯云。版渚峙江濱。江流繞渚分。一庵延衆綠。風荻晚紛紛。寂寞寒潮打。淒涼

耐冷譚卷十

三

斷塔焚南朝。遺恨在似惜。左將軍。偪側行云。偪側復偪側。男兒乏錢刀。作事徒費力。錢刀誤人無已時。門敏富兒古有之。富兒愁貧甚於客。入門歎曲徒爾爲。登山山有岡。涉水水有梁。惻惻行復止。游子寒無裳。半世任俠不知止。行路乃今難若此。上有九天下有九。泉謝客杜門自伊始。謝客學杜門。山妻顧我語。君歸誠復佳。奈

何。朽無懸衣。盜無米。寒號聲。雜索逋聲。歲晏勸君早爲計。我聞苦語心茫然。錢長天短誰見憐。

頭顱。五。十。不。得。志。長。安。公。卿。多。少。年。公。卿。亦。
有。論。交。者。剝。啄。衡。門。書。到。寡。任。黎。古。道。本。悠。悠。
况。今。幾。輩。歸。泉。下。偏。側。復。偏。側。愁。裏。年。華。安。可。
極。古。來。一。餓。萬。事。了。入。世。吾。曹。況。孤。直。

戊辰已巳間予館勞生

經源

味經齋時年尙未冠

所爲詩文已能力追先進典型爲人敦尙氣節
亡友德清胡功載生授經師也功載歿生存恤
其家并葬之及其祖父嚴修能遺書散失生尋
訪刊行予寄懷詩有冥感深黃壤高情薄絳霄

耐冷譚卷十

三

之言蓋紀實也近爲家督吟咏稍疎矣其爲人
題鋤月種梅圖云香雪滿空山未容高士臥澄
懷託契深手植補清課坐惜鼠鬚鬪弄何如
鴉髻親攜君本前身明月清輝合伴瓊枝梅
花溪叟藝絕殊知君雅抱成斯圖他年待訪寒
香圃月下臞仙認得無他如花爲遊子淚月是
美人心文因違俗賤樂以杜門多泥甕藏春酒
沿村掠社錢波光濃似酒雲氣白於綿燈報年
豐初有市人探花信慣離家金環事憶羊叔子

銅柱勲推馬少游俱極新警

睦州詹姓者先世故望族曾補學官弟子中年忽
弃去爲人擔水人皆呼爲詹先生計壽喬廣文
會見之年六十餘矣問其名笑不答乃知荷蕢
沮溺之流雖 聖世亦未始無人也廣文詩云
先生先生何不執筆而賦凌雲作廟堂之器又
何不執卷而開絳帳坐師尊之位胡爲乎勞其
筋骨而覓蠅頭之利視青衿如敝屣著短禪以
掉臂兩錢一擔水山齋日日至問其名笑不答

耐冷譚卷十

三

怡然自樂無他事殆看破世態之炎涼名場之
成敗自食其力有餘味青山片石一釣竿先生
想亦得此意

我志爲人謀水人皆呼爲詹先生計壽喬廣文
會見之年六十餘矣問其名笑不答乃知荷蕢
沮溺之流雖 聖世亦未始無人也廣文詩云
先生先生何不執筆而賦凌雲作廟堂之器又
何不執卷而開絳帳坐師尊之位胡爲乎勞其
筋骨而覓蠅頭之利視青衿如敝屣著短禪以
掉臂兩錢一擔水山齋日日至問其名笑不答

我志爲人謀水人皆呼爲詹先生計壽喬廣文
會見之年六十餘矣問其名笑不答乃知荷蕢
沮溺之流雖 聖世亦未始無人也廣文詩云
先生先生何不執筆而賦凌雲作廟堂之器又
何不執卷而開絳帳坐師尊之位胡爲乎勞其
筋骨而覓蠅頭之利視青衿如敝屣著短禪以
掉臂兩錢一擔水山齋日日至問其名笑不答

耐冷譚卷十一

仁和宋咸熙小茗謨

石門周 金小癡定

石琢堂殿撰

韞玉

負文章重名其實道學中人也

一日闕四朝聞見錄見有劾朱子一疏極口毀謗遂拍案大怒謀諸婦脫纏臂金質錢五十千編搜書坊得三百餘部立焚之是年卽發解旋以第一人魁天下咸謂扶翼名教之報所作古詩猶有三百篇遺音其題施少峯紀哀詩後云

耐冷譚卷十一

一

白華潔養蓼莪告哀嗟彼棘人憂心如瘁一樹一石平泉之貽左圖右史手澤在茲山木欲靜風來無端物在人亡孤兒永歎白駒過隙日月如流長歌當哭以寫其憂

檣李曹廣文種梅丈名

秉鈞

工詩文擅畫梅曾見

其手書舊作一首字得蘇眉山跌宕之致詩亦不減王孟涼雲不出山秋聲已在樹長日不逢人闕寂此礪戶宛然記昔遊祗益岩蘚古平池水花淨倒影亦媚嫵風定自在香日落月初吐

廣文子少梅秀才

泰寧

與余交甚篤詩亦雅近唐

音年未四十而逝表忠觀落成作紀事詩云十
四州空感國恩靈光至竟歸然存錦衣榮及將
軍樹鐵券功歸節度門表忠昔在龍山麓傾圮
曾經幾修築芝生宅畔休言瑞花開陌上猶留
曲憑依靈爽是錢塘移置西湖廟又荒古蘚蔓
延遺像上豐碑屹立頹牆寫靈之徠兮威稜肅
豈藉蒸嘗慰寂寞架弩曾傳壘雪樓圖形早入
凌煙閣高廊四注幸重完曲折層櫺頓改觀百

耐冷譚卷十一

二

族雞豚酬廟食千年子姓作祠官吁嗟乎含元
殿裏妖兒走少陽宮院今在否始知順天乃英
雄寧誇王氣躔牛斗試問冬青更有無上陵磨
劍事何如珠襦玉柙猶塵劫何處重攜黍飯盂
孫淵如觀察小名喜後於長安得一古印其文亦

曰孫喜屬同人賦詩和者數十家觀察自紀一

律云土花斑駁掩真朱不在秦餘亦漢餘一代

識君非真漠千秋得我是相如浮名也抵腰懸

綬壓卷新排手訂書莫笑百年身是客後來入

愛儻同余

關中林遠峯

鎬

龍巖州人國子生著雙樹生詩鈔

先府君嘗謂其詩有真氣黃驛丞詩并序云丞

名煥發源人官河南葉縣保安驛丞賊犯驛句

丞會官兵擊卻之官兵入城賊復至驛句丞罵

賊死驛馬瘦驛卒疲驛丞之官何卑卑得祿不

救妻孥飢一朝草中逆賊起索馬公然來驛裏

驛丞攘袂呼官兵併力殺賊賊膽驚賊四散官

兵回倉皇夜半賊復來空拳獨奮勢難敵一門

耐冷譚卷十一

三

骨肉殘支骸驛丞罵賊不絕口賊怒揮刀斫其

首食君之祿死君事寧論官卑僅升斗吁嗟乎

常山之舌睢陽齒區區驛丞竟能爾青史他年

書一行賊犯保安驛丞死

江都江鄭堂

藩

遙經學嘗與客阮芸臺師節署酒

闌燈地猶娓娓談經詩其餘事而已能卓然成

家齊雲山云危梯高百尺曲折徑通幽人與鳥

爭路僧邀雲住樓山收千里碧石放衆泉流空

際聞鐘磬聲從何處求

張芑堂徵君於西湖製舫名曰烟波宅陳無軒廣

文焯為之圖吾郡太守柳樵人雲譜水龍吟鮑

文淥飲譜沁園春又賦絕句十二首錄其六云

試臣木烟波一釣徒全家只合住荻蒲旁人漫疑

知章賀不道西湖勝鑑湖底須更覓買山錢

且把漁竿上釣船生計莫嫌湖面薄儘教乞與

鮑家田雲雲山面面總吾廬一葦飄然信所如

卻笑裏湖林處士懶因猿鶴別移居詩思無

時落眼前破除聊復何高眠坡仙好語從相借

副今詩卷十一

四

挂起西窗浪接天雲雲水高情屬乃公雨浦煙

柳白蘋風蓮花博士頭銜別一舸偏移入闌紅

閒客相尋話水天中流溶漾兩詩仙東船歌舞

西船醉惱亂春風又一年仁和陸綬飲解元于西湖作自渡航載姬

妾住其中

定海諸生李吳占家赤貧謹事母授徒數里外每

食必歸食已復至主人詰其故泣不語久之乃

曰家貧母食番薯何忍獨食飯也學使訪得實

表之又給以金始卻不肯受語以歸養母乃感

泣再拜去。詩云。母食米兒食薯。母心不豫。母食薯兒食米兒能不泣。涕海水洶洶。浪拍天。中有斯人行獨賢。使君與金謝不受。無名得此身之平。告使君曰。汝勿卻。姑買市中珍。歸爲賢母樂。李生叩首納金去。兩眼紛紛淚飛絮。學使者誰揚州。阮芸臺先生也。作此詩并爲之序者。江都焦里堂孝廉循。題之曰番薯吟。

前明蘇州知府况公鍾字伯律由小吏起家出領劇郡明史爲之立傳民苦賦重公奏減丁糧七

耐冷譚卷十一

五

十餘萬吳民至今尸祝之僕曾瞻公遺照貌極慈和有儒者氣象吳縣顧孝廉兩盟時雷題云。筮仕儀曹舉雄才劇郡遷豪鋤嚴赤棒冤雪見青天九牧名偏重千秋像獨傳荒祠尋舊址薦藻頰宮邊。

平湖姑嫂餅甚佳每餅六枚裹以紫羅紋箋攜之遠行經月不壞吳丈菟牀詩云藉甚公羊賣餅家弄珠樓下翠簾遮金刀剪勝宜桃葉玉乳搓酥映棗花畫藁幾翻邱嫂樣紅綾一抹小姑霞

劉郎座上如相問。漫說吳均鬢有華。相傳姑嫂
二人同心守節。製此餅以餽口。遂以得名。胡明
經雲。佇爲予言。雲佇平湖人。當得其實也。惜吳
丈詩未及表之。

吳生梅岑

玉森

香竺刺史之從子。著紫櫻桃花館

詩鈔。追唐軼宋。沈澁滄明。府謂其詩清新拔俗。
不同纖靡側艷之習。洵不誣也。歸舟云。落日黯
然收。輕風送小舟。田家初晚飯。漁子起清謳。燐
火數星亂。蟬聲高樹稠。篷窗多爽氣。今日是新

耐冷譚卷十一

六

秋題沈澹如看雲圖。卽送西冷之遊云。萬疊青
山萬疊雲。一般離緒各紛紛。遙知陟嶺君思我。
正是登樓我望君。答少峯丈見懷韻云。竟夕不
成寐。秋階響亂蟲。露寒三徑白。酒熟一燈紅。詩
學臻神妙。仁心代化工。公吟詩放生。平日不陰。平生師友

益感激。莫如公。汪孝女詩并序云。孝女芳姑秀

水汪小坡女。小坡遭時疾。芳姑祈天禮斗。願以

身代。越數日。父愈。女旋病。病似父狀。竟卒。咸以

爲誠孝所感。云繡川有女氏曰汪阿耶。抱疾苦

備嘗病不治兮入膏肓呼天籲地救無方願捐
已算延高堂至誠感神親果康親果康兮女遂
殤卓哉千載流芬芳其五七言佳句如安居異
蓬梗名士老蕪蒲院靜花畱韻窗虛月寫痕書
黍狸骨妙畫仿虎頭工冬日農家云飲蜡醉回
晴曝背索綯團坐夜挑鐙籬事偶咏云紫山看
火鳥初到搖艇販鮮人正忙閒居偶成云玄鶴
無求因露警蒼松雖老勝花妍次見贈韻云名
微應共憐雞肋技巧方能貫虱心採之不勝採

也。

耐令譚卷十一

七

雲嵐司馬自夢華沒後絃詩品畫之事輟不復爲

然其伯子訪仙

瀛

季子樸齋

沉

盡嫺吟咏樸齋

尤明琴律真佳子弟也訪仙田家云柴門絕塵
跡耕侶常往還荷鋤亦云勞農罷有餘閒芟竹
編籬隙蒔花雜庭前春酒亦旣熟聚族來田園
老樹及時茂布穀鳴其間其間良足樂何必居
市廛蒼天憐民命雨露時惠施所以日正炎
嘉苗益蕃滋借我二三子負耒及朝曦不憚溽

暑侵安辭筋力疲。同疇共耘籽異畝。相扶持日
夕。傾一壺。如在羲皇時。秋風吹原隰。紫稻盈
郊畿。歡言指婦子。今歲喜無饑。朝荷筐莒出暮
納禾稼。歸衆鳥啄餘粒。羣雞候柴扉。隔屋舂臼
聞比鄰。兒童嬉所賴。四體勤。聊供八口貧。歲
月聿云暮。農務旣已閒。木葉乃盡脫。園蔬亦可
餐。梅花屋角香。通蜡燄芳筵。親知口相接。老稚
皆怡然。幸足了租稅。團坐話豐年。我苟不作苦
豐年亦飢寒。豐年尙如此。儉歲復何言。樸齋秋

耐令譚卷十一

八

日戍水歸里作云。一櫂出汀洲。蒼茫天地秋。林
深多落葉。雨急送歸舟。隔浦漾漁火。輕颿動別
愁。剪鏡人不語。賸有舊詩留。對月懷友云。同此
一輪月。翻教兩地看。與君交誼合。隣我別離難。
夜靜蟬聲寂。竹深暑氣闌。故人渺何處。惆悵白
雲端。春日過錢氏雪香居云。日上深林鳥語喧。
偶攜蠟屐入遙邨。沿溪一路無人跡。春草如茵
綠到門。又落葉句云。一桁夕陽人跡少。滿林秋
色雁聲清。風致亦不減唐人。

詩家作法雖多。要在摹情寫景。各極其勝。杜詩五律有景到之語。如落雁浮寒水。飢鳥集戍樓。星垂平野濶。月湧大江流。是也有情到之語。如勝絕驚身老。情忘發興奇。一時今夕會。萬里故鄉情。是也有景中含情者。如感時花濺淚。恨別鳥驚心。岸花飛送客。檣燕語留人。是也有情中含景者。如影著啼猿樹。魂飄結蜃樓。正愁聞塞笛。獨立見江船。是也有情景相融不能區別者。如水流心不競。雲在意俱遲。片雲天共遠。永夜月

耐冷譚卷十一

九

同孤是也。有一句說景。一句說情者。如悠悠照邊塞。悄悄憶京華。是也。有一句說情。一句說景者。如白首多年病。秋天昨夜涼。是也。有一景一情兩層疊敘者。如野寺江天豁。山扉花竹幽。詩應有神助。吾得及春遊。徑石相縈帶。川雲自去留。禪枝宿衆鳥。漂轉暮歸愁。是也。其雋語名句不可枚舉。名家詩集中。未有如此之獨盛者。

詩要健字撐柱。活字斡旋。如紅入桃花嫩。青歸柳色新。弟子貧原憲。諸生老伏虔。入與歸字貧與

老字乃撐柱也。生理何顏面。憂端且歲時。名豈文章著。官因老病休。何與且字。豈與因字。乃幹旋也。撐柱如屋之有柱。幹旋如車之有軸。作文亦然。詩以字文以句。

桐鄉畢擲庵發善鑒別古法書名畫多蓄研嘗手

自洗滌。因以滌研顏其齋。性愛客。所與交者嚴石帆。孫月卿。朱厚庵。方古愚。孫古杉。諸老輩。今惟古杉存矣。余曾採其詩入桐溪詩述中。今復錄其未盡者。惜滌研齋集八卷。被其長子綸攜

耐冷譚卷十一

十

以入燕。未能卒讀也。秋夜曲云。秋窗颯颯涼雨足。蕉聲滴斷蛩聲續。此情景難爲懷。吟牀孤坐殘。鏗綠。寄月卿都門云。菱老鱸肥杭稻香。籬根野菊綻疎黃。秋來定有相思淚。對酒看花憶故鄉。寄沈文園云。未遂幽棲志。勞勞千里間。倚閨愁白髮。歸夢繞青山。地僻憐才少。年荒負米艱。秋風鴻雁到。好帶尺書還。春到云。春向茆堂氣自溫。花開花落底須論。多情惟有無名草。淡雨疎烟綠到門。擲庵居家行事有古人風。子與

其次子端遊尤得其實端餽于本學窮經植品
能不愧其先人善人有後理自不爽也

昔年權學景寧與烏程紀蔚岩豹文同官蔚岩人

極方古子病百計扶持至夜不解衣長子三十

四歲時年將七旬腰腳甚健登山猶不用杖也

爲詩不假思索出入誠齋放翁之間曾記其留

別詩云翩翩雅度出風塵磊落襟期自率真寮

采得交青眼方晨皆樂共素心人學精金石能

通史小茗留意金石文字謂可以補史之闕作金石史證一書詞吐珠璣半

耐冷譚卷十一

七

憶親祇憾朽株同泛梗飄零何處再逢春

江寧甘夢六福慷慨好善尤喜藏書闢桐陰小築

貯之子曾有詩存集中嘗泛舟之江購求古籍

少峯繪吳越載書圖以贈鄧筠嶰撫軍廷楨題

詩于後云萬頃滄江虹貫月秣陵處士歸帆發

不載醇醪不載花爲有奇書耽入骨君家卷軸

百城環琳琅滿貯屋三間雲深自擬琅環洞客

到如遊宛委山得隴望蜀求快意一舸東遊眞

好事雞泐龍威未足珍更披禹穴响樓字苔溪

春水錢塘潮。八百平江送畫橈。行過江南煙月地。直將奇麗壓金焦。周太史石生開麒詩云。蘭橈穩泛春江口。萬卷琳琅壓船首。斲作米家畫舫看。勝誇陸賈歸。裴厚潮平風軟輕帆安。年年載書吳越還。嗟予好古藏未富。一瓶借讀君無慳。

夢六弟還年

字鶴籌有孝行七八歲時母以貧夜

績知勸之節勞不敢先母寢塾師講論語問孝諸章卽感動垂泣里中人呼爲小孝子母病肝

耐冷譚卷十一

三

疾劇刲股肉和藥以進陶雲汀中丞爲之請

旌少峯書甘孝子傳後詩云孺慕根天性由來自弱齡承歡慈鬢白侍績紡鐙青股爲醫親割涕因戀墓零千秋傳孝子褒詔出彤廷

夢六子名

煦

字蘄仁官寶應廣文工吟咏曾見其

勘災河西卽事感賦詩摘其警句如云增將戶口心猶歎聽到疲癯語更酸潔已先期清夜成博施從古聖朝難鴻毛詎爲微軀恤燕卵彌愁懷幕搖煮將菱芡聊充食網得魚蝦不值錢欲

求事。濟休。辭怨。但覺心安。罔計功。俱肫然仁者之言。

錢塘奚鐵生開以畫名于世。詩與字俱佳。而品極

高。非其人不輕下筆。嘗偕先府君登韜光。畫長卷以贈。卽題其上云。老衲石林跡。禪直到今亂。泉雙磎。合修竹。四山陰。流憩空諸想。登臨省道心。他時憶遊侶。好向畫中尋。越一年。府君卽世。丈亦遭難。結二語。竟成詩識矣。

陳花南司馬韶寓居西湖之梅莊。卽韓蕘王故宅

耐冷譚卷十一

十三

也曾隨先府君孫淵如師訪金雲莊。比部于

寓齋。適潘丈德園華丈秋槎項丈秋子亦至。出

鄙酒飲客。府君大醉。時天雨。借衣漁家蓑笠。

命咸熙扶歸。衆皆大笑。次日卽有黃海之遊。臨

行各送以詩。花南丈作卽席先成云。落拓衡陽

萬里船。攜歸斗酒已三年。一尊話雨老將至。雙

屐看花春可憐。文字能交天下士。逢迎况是飲

中仙。煩君寄語諸羅漢。猶憶珍珠百斛泉。羅漢洞珍

珠泉爲白嶽奇。時庚申春暮也。忽忽幾三十年。絕處皆予舊遊。

諸老輩無一存者。追懷往事不禁涕零。

作詩之道嗜不篤則思不專。思不專不能知此中之甘苦。矢口吟哦。雖亦時有佳句。而欲蘄至古人難矣。沈生春江

昌源

嗜之篤。思之專。詩亦駸

駸日上。著有聽雨樓詩藁。其謁張楊園先生墓

云。佇立寒風道自超。

先生有寒風佇立圖

揚園高隱伴漁

樵。直將理學追三代。豈特清名著兩朝。百世儒

林堪表率。一坏墓草奈蕭條。我今瞻拜情何限。

不敢輕將濁酒澆。喜綺霞至云樹靜。北風息柴

耐冷譚卷十一

十四

門剝啄。頻客從寒夜到。情比舊交親。小病憐君瘦。殘年歎我貧。且將故人酒。一爲滌風塵。夜泊

吳江云。炊煙隱隱夕陽殘。遠近山光觸背看。自

有吳江楓冷句。春波一帶尙餘寒。曉過大柳驛

云。曉雲淡淡日遲遲。山路崎嶇只自知。一片柳

花飛作雪。蹇驢昔上好吟詩。短歌行云富貴在

天求之則難我。飲我酒隨遇而安。

一古今悠悠

一前一後靜言思。之胡不飲酒。

二解燕燕于飛往

來幾度巢。不如新人不如故。

二解我有良友在山

之幽思之思之一日三秋

四解

山高水長行役未

逞言念君子我心憂傷

五解

我憂既多置酒復歌

日月逝矣不樂云何

六解

與春江亞者復有沈生綺霞

兆文

惜迫于境地不

能如春江之嗜且專矣其紫薇花館詩草爲少

峯小癡所賞乳鴨池懷古云極目荒郊散暮煙

陰晴已值熟梅天池邊野鴨時飛集不見當年

載酒船冬日邨行云一路聲聞打稻喧雞閒豚

放自成邨寒畦霜壓寒齋嫩斷岸波清斷石存

耐冷譚卷十一

五

兒樂爭炊煨竿火僧歸遙叩隔溪門耽吟不覺

疎鐘晚雲破時來明月痕呈小茗師云才宏何

補廟堂謀空把雄心盡壯遊官似鄭虔少梁肉

世無伯樂失驕驪縱橫筆陣前型在老病年華

後輩愁安得飛聲騰閬苑提撕不愧識荊州

海昌楊芸墅

文蓀

以齋侍郎之孫昆季皆能詩芸

聖才尤清妙惜困于名場未能如大歷時之三

楊踵擢進士復以貧故歲歲餬口四方與子不

相見者且二十年可歎也其山館早起云松檜

雨初歇。山禽喚朝眠。攬衣趁晴旭。衆綠生春煙。
卷簾花影溼。掃石苔痕鮮。山光若新沐。鬢黛何
娟娟。妙景心忽領。幽意詩能傳。惜無佳客過。一
理風中絃。雪後夜坐云。殘雪滿檐際。夜深簾未
垂。不知新月影。已上梅花枝。鶴語出疏樾。松陰
罨碧池。詩懷正清絕。坐到曉鐘時。登南屏山云。
蘚磴依山轉。行穿一徑斜。迴峰撲空翠。幽壑接
飛霞。石氣都歸樹。風香不辨花。思尋高士隴。小
隱卽爲家。花朝泛湖云。經旬纔出郭。芳訊又經
年。柳色黃於酒。波痕綠到天。片雲催暮雨。雙槳
盪輕煙。舊日憑欄處。重來意惘然。

耐冷譚卷十一

十六

吳縣嚴少峯太守

榮

以名翰林出守吾郡。愛士恤

民。僕昔寓西湖。先生以公事出城。必屏車騎。枉
過。或相攜至湖壖僻處。縱觀稻田。見邨氓輒相
慰勞。曰。此多是好百姓。實苦百姓也。嘗以秋草
命題。用漁洋秋柳詩韻。課士。自作以示諸生。同
人中尙有藏其藁者。覓得錄之。香草能招楚客。
魂。秋心無那寄蓬門。黃分河畔斜陽色。綠刺春

前舊雨痕走馬何人來古道牧羊有路見荒邨
蕭蕭短鬢思重掠。一種幽懷與細論。不抵秋
英可耐霜。重來辜負舊池塘。空連遠水拖裙幅。
會惹香塵襯履箱。織翠昔依花作國。凌寒今讓
竹稱王。西風吹醒繁華夢。一片殘煙十六坊。
迢遞毬場試舞衣。盛年心事覺今非。鷓鴣啼處
波痕冷。蟋蟀吟邊露影稀。點點任他黃葉積。離
離半作斷蓬飛。懷人讀遍文通賦。可奈風光與
願違。笛中譜出想夫憐。寥落窮荒斷冷煙。古
只在短籬邊。

南康謝蘇潭中丞

敬昆

圖治餘閒不廢風雅。官吾

浙方伯時。得漢甄八方。因築八瓢精舍。聚諸名
士。酬唱其中。復仿竹垞經籍考之例。作史籍考。
咸熙曾與編校。書未成而擢任去。中丞本熟精
史學。其樹經堂集外。又著咏史詩五百首。皆以
七律爲之。隸事賅洽。裁對工妙。尤爲從古詩人

所未有其題 先府君茗香詩選云跌宕江湖

醒亦狂縱橫文史謝名場滿園紅杏尚書句一

瓣青蓮供奉香酒變錢塘嫌戶小花看吳苑覺

春忙傳家著述等閒事爾雅新編付陸郎助教

陸農師爾雅新義令嗣成熙注夏小正按農師

子宰元鈞薦學藏書一萬三千卷紹興初進內

府家住武林七十里一年強半泊蘇隄桃花明

月天台路綠萼春風鄧尉溪小海唱憐子胥怨

無絃琴寫夜烏啼茗香讀罷詩脾沁拚啜玻璃

醉似泥助教補樂府小海唱曲辭甚古又嘗作

照無絃琴

耐冷譚卷十一

六

吳山羽士多能詩者僕昔年所見錢枕山選黃黃

鶴鶴最佳緣彼時名士多喜遊山耳濡緒論詩

境遂超枕山和先府君吳山言懷之作云高

賢窮歷覽獨往風蕭然奇懷忽有寄襪被來茲

山興至輒題詩寧辭酒十千朝出海日出暮還

飛鳥還去年華頂上今歲明湖邊煙雲足供養

富貴非人間神仙知不遠莫問駐華顏黃鶴雪

霽呈助教先生云隔林桂館隱翹企曉光微笛

弄梅初綻。琴彈雪正飛。著書窺妙理。問字露元機。腳疾時能愈。來尋叩石扉。雲散大江空。蒼茫見海東。晴光開講席。寒色倚詩翁。野麥欣含白。庭梅喜吐紅。灞橋真趣在。領畧酒盃中。

烏程閨秀朱紉齋

蕙

孝女也。侍母疾三年。衣不解

帶。其哭母詩云。醫藥親嘗瘁。不辭安排床第。慎

扶持。如何侍疾經三載。到底膏肓不可治。色

笑還堪想像無。粧臺寂寂網蜘蛛。藥鑪猶在人

何處。月落黃昏啼夜烏。至性之言。不獨能嫻吟

咏也。

耐冷譚卷十一

十九

華亭姜

懷權

以諸生應乾隆庚午鄉試。病不能致

醫藥。卒于逆旅。其妻陳苦節四十餘年。疾且革。

謂其子軾曰。汝父以貧故遭疾。不卽藥以致隕。

生。汝他日稍能樹立。必思有以佐寒峻者。軾謹

識之。不敢忘。而家累煩重。終不克舉。迨其孫熙

號雲亭者。家稍裕。始捐華婁兩縣常稔田百畝。

爲賓興之費。呈縣立案。規條詳備。雲亭能繼先

志。孝義可嘉。而陳母以一婦人能以善舉導其

子孫尤難得也華亭張遠春興鏞詩云青氈一

例但空囊夜讀聊分鑿壁光近事傳來增歎息

元澄祝映孝孫姜父書祖視守窮年負郭難

謀一稜田猶有報劉心事在秋風目斷秣陵烟

有志移山事竟成蓄畬經訓十年耕海濱正

讀開科詔願獻膏腴助鹿鳴此舉辛勤出孝

思焚香好報九原知我來白下親高義別寫實

興紀實詩無錫錢春圃兆榮夜讀實與捐田錄

卽次遠春韻題後兼寄遠春云薄佐秋風客子

耐吟譚卷十一

十一

囊三條樺燭夜分光人生孝義君家事古有雙

魚出感姜李義山詩魚因感姜出讀到酸辛話昔年縮

衣節食水苗田從今明遠樓頭月長照華亭鶴

翅煙風物南宮畫不成春明三上筆爲耕年

年夢斷紅綾餅又過槐花聽鹿鳴展卷挑燈

感我思雲間義舉一時知張融東出舟爲屋遠春

自京得捧檄秦淮大好詩

喜作詞詩必至流于纖巧古大家多禁之初學尤

不宜深嗜篤好蓋不獨傷詩品實有關人品也

僕素不喜填詞。昔年在揚州，於玉鈞斜尋隋宮人葬處，調倚洞仙歌云：埋香閉粉，認玉鈞斜處。啼殺春鶯，野棠樹似紫蘭徑，小青草墳荒渾不辨。三尺美人黃土。頭顱明鏡裏，楊柳無情，不絕天涯錦帆住。唱破念家山，玉儿金牀，狼籍到六朝風雨。有一種愁人景陽宮，聽紅鬼三更井欄私語。近爲沈雲嵐司馬題鴛湖春泛圖，調倚念奴嬌云：嬉春搖艇，正鴛鴦絆漿桃花黏着幾輩才人曾住此。那得如君灑落解意奚僮隨身。

耐冷譚卷十一

三

吟履載向南湖泊。小長蘆後，櫂歌復有新作。羨爾六尺烏篷，一甌綠醕，品畫重斟酌。我亦晴波貪水宿。奈苦被微官縛。鷗徑生疎，鰲磯隱約。佳景眼前錯。風流司馬真肯及時行樂。興到偶爲之。不知其合調否。

少時曾以時藝質之海鹽吳蘭陔先生，極承獎許。數十年來，與後生談制舉業，猶以先生爲宗。詩不多見也。頃沈生春江攜眎，寒夜與諸同學論文，并誌敦勉之作，云箇中消息不難參熟讀深。

思味自詣。書向疑時。翻得悟文。從苦處卻回甘。
江河萬古前型在。旗鼓中原壯歲堪。咫尺雲衢
原有路。遙占星象近魁三。尊酒論文記此時。

青鏗白雪照梁恩。君才合是千人敵。我老纔堪
一字師。江管花生春。盜盜庾樓月。上夜遲遲相

思勉爾三餘力。連理新看長桂枝。此先生館金
氏連理桂枝軒時所作也。金爲桐溪著姓。自吾

友兼山文度子向齋敏時相繼殂。謝家業漸隳。

今香波璋食貧力學。能守祖父遺書。此紙已屬

耐冷譚卷十一

蠹餘猶寶之弗棄。後起可望有人矣。春江曾受
業向齋之門。與香波交。故得錄此。并以二十字

跋其後云。尊酒當年事。風微紙一張。碧紗須護
惜。千古此文。章子亦感賦一絕云。兼山老友得

名師。健將登壇盛一時。先生館桐溪汪雲壑殿

撰程春廬大理朱尹邨學博皆出其門。門下已無者。宿在漫勞瘦。沈爲

一時稱極盛焉傳詩。

兼山詩不尙新奇。自抒所見。惜所著學吟齋詩草

已散佚。不可多得。擬古三首。錄其一云。憶昔開

關初上下漸高厚。至今幾何時。詩書列妍醜。聖
賢豈無死。芳名可不朽。惜彼庸愚子。淹忽歸烏
有。造物雖好生。人無天地壽。百年如過隙。流光
何可負。易牙知調羹。杜康能造酒。世味不足好。
君子思尚友。秋夜云獨惜。寒宵偶坐檢書看。劍
樓中斷續。簷間微雨往來燭。上疎風鐘鳴欲止。
不止。漏滴將終未。終何處。最堪惆悵。明朝木葉
皆空。鐙下觀內子詩稿云。欲銷春夜永。聊誦百
篇詩。妙筆非關學。靈心卽是師。蟲鳴人靜後。月

耐吟譚卷十一

三

上燭殘時。此際吟初畢。因君發我思。蠶詞云。十
畝閑閑傍釣磯。桑枝搖曳綠陰肥。祇因一煞溼。
溼雨濕卻提筐少婦衣。處處安排絡素絲。清
和天氣乍晴時。明朝織就流黃色。試作羅衫着
體宜。

